



Broj: 01,02-02-1-742/16

Sarajevo, 10.3.2016.

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10-03-2016			
Organizaciona jedinica	Klasifikaciona oznaka	Redni broj	Broj priloga

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zakonodavno-pravni sektor daje

MIŠLJENJE

o usklađenosti Prijedloga zakona o izmjenama i dopunama Zakona o sportu u Bosni i Hercegovini s članom 105. Poslovnika Predstavničkog doma i Jedinственим pravilima za izradu pravnih propisa u institucijama Bosne i Hercegovine

Predsjedavajuća Predstavničkog doma Parlamentarne skupštine BiH je aktom broj: 01,02-02-1-742/16 od 4.3.2016. dostavila Prijedlog zakona o izmjenama i dopunama Zakona o sportu u Bosni i Hercegovini (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinственим pravilima za izradu pravnih propisa u institucijama BiH.

Prijedlog zakona podnijela je poslanica Maja Gasal-Vražalica u skladu s članom 104. stav (1) Poslovnika Predstavničkog doma.

I. Usklađenost s odredbama Poslovnika Predstavničkog doma Parlamentarne skupštine BiH

Prijedlog zakona podnesen je u formi teksta, u pisanoj i elektronskoj formi, na jezicima i pismima u službenoj upotrebi u BiH.

Uz Prijedlog zakona dostavljeno je obrazloženje koje sadrži:

- ustavni osnov za usvajanje zakona
- razloge za donošenje zakona
- obrazloženje pojedinih rješenja i principe na kojima je zasnovan prijedlog zakona
- procjenu finansijskih sredstava neophodnih za provođenje zakona,

te odredbe članova osnovnog teksta Zakona koji se mijenjaju, odnosno dopunjavaju i verziju prečišćenog teksta Zakona.

S tim u vezi, Prijedlog zakona sadrži sve elemente propisane članom 105. st. (1), (3) i (5) Poslovnika Predstavničkog doma.

S obzirom na to da je poslanica predlagač zakona, mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma u skladu s članom 105. stav (4) Poslovnika Predstavničkog doma.

S obzirom na navedeno, Prijedlog zakona **usklađen** je s članom 105. Poslovnika Predstavničkog doma.

II. Usklađenost s Jedinstvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)

Zakonodavno-pravni sektor smatra da je Prijedlog zakona **usklađen** s Jedinstvenim pravilima za izradu pravnih propisa u institucijama Bosne i Hercegovine.

Rukovoditeljica
Zakonodavno-pravnog sektora



Mirjana Kutnjak

Dostaviti:

- naslovu
- sekretarki Zajedničke službe Sekretarijata